



Det nyvalde styret i Uskedal helselag: F.v: Line Soltveit, Randi Nybakk, Klara Bakke, Berit H. Myklebust, Eli Roseth Eik, Marian Rød Hauso. Varamedlem Lene Gjuvsland Skjelnes var ikkje med då bilete vart teke.

**Uskedal helselag med heile 100 medlemmer og mange gode aktivitetar hadde årsmøte i går kveld. Berit H. Myklebust held fram som leiar. Med seg i styret har ho: Marian Rød Hauso, Klara Bakke, Eli Roseth Eik og Line Soltveit. Varamedlemene er Lene Gjuvsland Skjelnes og Randi Nybakk.**

Årsmeldinga vitnar om stor aktivitet med mange gode tiltak gjennomført.

- Basaren i april månad
- Jubileumsfest - helselaget 100 år
- Demensaksjon
- Frukt og sunn lunsj til skulen og barnehagen
- Besøk på Rosendalstunet med kaker og bakst
- Pakkar og julegåver til Valen sjukehus
- Juleblom til uskedelinger på sjukeheimane i kommunen og til dei som bur i Hagetunet

Prosjektet Gull av grus er ferdigstilt frå Helselaget si side med tilskot til asfalt, kr. 75.000,- løyvd frå KSbankstiftinga. Helselaget har dessutan løyvd til saman kr. 30.000,- til gode føremål, fordelt på sju ulike tiltak.

Uskedal helselag har valde utsendingar til Grusbaneprojektet, Friluftslaget og Fylkesårsmøte. Helselaget var med på regionsmøte i Rosendal, eit felles møte for alle helselaga i kommunen.

Turen i 2017 gjekk til Oleana der ein fekk innsyn i arbeidet med strikkeprodukt. Gågruppa, som starta i 2010, er framleis aktiv. Styrketreninga kvar måndag er populært tiltak med eit snitt besøkstal på 13 personar kvar gong, av dei er to menn.

Tekst/foto/nett: Kristian Bringedal